



阿茂整饼? 麦包 学整嫁女饼

为咗令广大潮仔潮女们,更进一步了解同学习非遗文化,《UP在湾区·港见粤闻》project 启动! 湾区明星同KOL将带领大家走进湾区城市,寻找岭南特色非遗文化,身体力行做文化传承人。第一集,就由麦长青(麦包)带大家去学整“嫁女饼”!

郭玮/文
洗颖樱、羊城晚报香港记者站/图



热辣辣“饼”知识

“嫁女饼”又叫“嫁酥”,係广东地区婚嫁上常见嘅糕点。相传旧阵时,有有钱人家嫁娶喜事嘅时候,都会用丰厚礼饼彰显自己的体面气派,绶罗绸缎係贵族身份嘅重要象征,其中“绶”最为名贵,所以礼饼中,“嫁酥”就成为首选,寓意富贵荣华。传统嫁酥分黄、白、红、橙四种颜色;黄绶多用五仁做馅,因造价较高,为尊贵身份之象征;红绶代表火红热闹,喜宴必备;白绶皎洁无暇,喻喻女方贞洁清白;橙色绶则是金银满屋生活嘅祝福。无论边种颜色、馅料,嫁酥都蕴含许多美好寓意,係广府人对美满生活嘅祈愿。



非凡哥“从良”好嫁女

麦包嘅经典剧集《巾帼枭雄之义海豪情》中,扮演嘅“梁非凡”虾霸霸坏事做尽,奸邪形象深入人心。但其实麦包本人在镜头前学习认真之余,场下也係亲切近人。见到“非凡哥”从良后,大家发现佢更加有 charm 更迷人! 整饼期间遇到路过嘅老街坊,麦包仲同大家亲切倾闲计。鬼鬼马马嘅佢,遇到一班“睇住佢大”嘅靓姐姐们,仲忍唔知“撩”人住:“帮衬咗呢度几耐?”“18岁帮衬到依家?”,句句霖到在场嘅靓姐姐们好开心。



麦包拜师90后

岭南品粤菜系列第一期《嫁女饼》,麦包走进广州老西关传统饼铺,跟90后“礼饼传承人”蔡心老师学习整“嫁女饼”。嫁酥嘅制作好有讲究。开皮,要刚柔并济,讲求力与心嘅结合;开酥,则係身身是否松化嘅关键,所以一定要耐心细致;到咗包馅嘅时候,手势要快而不乱,皮薄而不破係基本,皮面均匀细腻就係经验之道啦。虽然麦包係首次实操,不过几次尝试之后就完美上手,包出咗连老师都觉得合格嘅成品。有心嘅麦包仲亲手为每一个嫁酥印上双喜红印,将自己嘅美好祝愿注入点心中。从入炉烤制到趁热出炉,但都亲力亲为,冒住热气嘅每块饼,都满含麦包嘅甜蜜叮囑:天下有情人都要开心快乐,甜蜜一生!



Color提示:

《UP在湾区·港见粤闻》会继续带大家学非遗知识,玩转非遗手工艺,如果想知道下期边个带大家搞搞新意思,记得密密关注我啦。

胡鸿钧

每一天 都在迈向目标

《金宵大厦2》终于落下帷幕,其中压轴嘅《嫁衣》单元都吓亲唔少观众,胡鸿钧饰演嘅裁缝“小程”,用演技俾咗唔少惊喜大家! 出道十年,作为演员,佢敢于挑战;作为歌手,佢坚持初心不变……今期Color邀到胡鸿钧作客,同大家倾下佢嘅逐梦之路。

郭玮/文 受访者提供/图



奇幻剧常客成定位

演员身份嘅胡鸿钧,话自己都会关注观众反馈,亦谦虚咁觉得,自己仲有好大概进步空间。Hubert话自己係性格吵闹嘅人,如果演绎自言自语嘅内心戏,或者係对白少嘅角色,佢会觉得难度比较大,因为要靠为表情、肢体表达情绪。佢特别提到,当时担正《十月初五的月光》中嘅“初哥哥”,就係一个好大概挑战。佢希望嘅经典形象嘅基础上,做出自己嘅辨识度,为角色注入新的生命;另一方面,“初哥哥”係一个好好嘅机会,可以令大家认识到唔同嘅自己。今次《金宵大厦2》中饰演裁缝师“小程”,已经唔係佢第一次出演奇幻剧集,性格呆萌嘅“石敢当”,经常抑郁嘅“北河”……每个角色都有自己风格,Hubert讲下,仲笑咗出嚟话:“大家认为我适合呢类角色都好,起码係一个定位哈哈。”

无条件逐梦守初心

做艺人,原本并唔係胡鸿钧嘅童年梦想,唱歌、弹琴开始只係佢嘅爱好,因为机缘巧合走上呢条路。不过,无论如何,佢都心怀感恩,因为佢觉得每个人都有自己的步伐,只要知道自己每一日都在为目标努力就OK了。Hubert 仲揀咗 Eason 嘅《无条件》,表达出自己呢个 moment 嘅想法:“同歌曲内容无关,只是这一刻,我无条件咁追逐我嘅梦想!”疫情已经进入第三个年头,有得同歌迷见面,係 Hubert 觉得最遗憾嘅事。佢都趁住呢段时间,静下心来思考未来方向,同时加紧创作:“希望疫情结束之后,可以去唔同嘅地方开演唱会啦!”



回归歌手有新尝试

暂时完成咗“演员”嘅部分工作,胡鸿钧会回归“歌手”嘅位置。将自己形容为一个“艺术工作者”嘅佢,觉得富有情感嘅作品,先容易引发大家共鸣。最近因为受到疫情影响,简简单单嘅面对面寒暄都变成奢望,Hubert将呢种情绪化作创作灵感,打造咗全新嘅音乐作品《如果一切即将毁灭》,呢首歌係关于一对恩爱情侣,到咗世界要毁灭嘅时候,都要奋不顾身抓紧对方……听落有啲唔多理性,但正因为有咗呢part感性,成个作品就显得特别浪漫。胡鸿钧专门邀请自己中意嘅导演帮佢制作MV,但本人嘅MV中再次挑战有对白嘅角色,对佢来讲又係一次新尝试。



出道十年感谢自己

今年啱好係Hubert出道嘅第十年,佢最想感谢嘅人就係自己,佢觉得每个人都应该先爱惜自己,才能更好咁欣赏他人。未来嘅十年,佢都希望自己keep住初心,继续为自己嘅事业努力就无悔了,既然揀咗呢条路,一定会对自己嘅人生负责! 当然啦,胡鸿钧有忘记粉丝一路支持与关注,简单嘅问候,自制嘅小礼物都佢觉得好暖心嘅事。Hubert最近翻咗嚟内地,计划会举行音乐会,等更多人认识到佢,如果有机会,佢都希望参加下音乐相关嘅综艺,不如我哋一起期待下啦!

